

107 年全國語文競賽客家語朗讀文章國小學生組（大埔腔）

編號 01 號

【跋山】劉玉蕉原作

天官光，狗官吠，阿姆斯特在咻咧！「阿榮啊，好跣咧，日頭愛出來哩啲！」

「阿珍妹，遽遽著鞋啲，愛出門哩啲！」

天甫甫光，日頭還在睡目，吾等一家屋斯目擘擘起腳行，共下去跋小中崙山咧。山路狹狹，草面頂个露水官散，分吾等个腳徑啊著，斯歸串歸串碾落地泥，一粒一粒金哲哲斯像珍珠个樣，靚都奈毋得！吾心肝肚偷偷惱：若用厥等來串一條珍珠骹鍊，送分阿媽戴，毋知幾靚哦！

涼爽个風，一陣一陣吹來，路脣个花花草草，分佢吹去領頭拗腰寬寬行禮，斯像該戲臺面頂，落力表演个大明星共樣。行到山下，老妹招僱拚輸贏，看麼人使得先跋上山棟頂。兩儕斯恁泥頭磬磬，麼人都毋認輸，相爭拚往上。僱座大當然輸毋得，歸路毋敢停途，嚟嚟撲撲大氣轟天，直直拚上山，跋到山頂，抓緊心臟，佢啊跳去硬硬像愛恬撇个樣哦！

「哇！山頂个風當涼呢！」看往下，老妹還在半山排，一個面頰卵紅啾啾，僱看哪，廟肚个關公都無佢恁紅哦！一張嘴擘啊擘，

又像細狗在噉氣，實在有罇古董，有罇好笑！

山頂个風，特別清，特別涼爽，風裡肚有東勢果子个香氣，有花花草草个清甜味瑞，這風吹都人歸身鬆爽，吹都人透心涼，進前跋山个艱苦，到這下也做下毋記得咧！樹頂絡食个鳥濟濟借借，跳上跳落叫無停，草竇个蟲毋願輸佢，也唧唧滾應聲。打早，山頂斯恁泥鬧熱濟借咧！遠望該山下，遠遠个東勢，到今還蒙核一層紗，在蒙紗煙肚睡都毋知好醒呢！

「遽遽，大家看！還靚哦！」

東片个雲像點胭脂个樣，紅霞紅霞，紅霞退撇，係千條萬條个金色光，對山个背後射出來，無幾久，一粒大火球，斯對山頭跳出來咧，最都人擘毋開目，最都蒙紗遽遽隱身。日時頭个事頭，對這下正正式起勢呢！

企在山棟頂，吾等放勢享受打早个光景，登高眺望个開闊視野，分人心情快活，分人知得感恩，感恩大自然賜分僱人恁泥个好環境。阿爸長在講：「早跣床个鳥斯有蟲好食。」到這下，僱總算體會著這句話个意思咧！

【 鮑鰍 】羅紫云原作

「羞羞羞，羞羞羞，無面見阿舅，阿舅打草鞋，鮑鰍鑽入泥。」聽著這首童謠時，玄玄風恁著頭擺讀書該下，鮑鰍，帶分係永久記得，發夢都會流口涎个幸福，到今還清清楚楚。

鮑鰍，麼个都食，係一種當特別个淡水魚，生活在河壩、陂塘、田肚、圳溝，深灰色个圓身帶有烏花，頭那細細，目珠也細細，還有生鬚，圓身圓圓 3、4 寸長滑溜溜，肉質當幼，營養價值高，使得入藥，養身功效好，還係一路當好个「桌心菜」，正有「水中之參」个講法哦！

較早該下，農藥無恁時行，有水有濫泥个位所，滿哪都會生鮑鰍，田肚一年四季都有，捉都捉毋撒。鮑鰍滑溜溜，平常時無恁該捉，一年之中有兩擺盡好捉，一擺係「焯秋」，也有人講「焯鰍」<sup>1</sup>，立秋過後，天時還當熱，秋老虎出現，鮑鰍分田水燒去昏哆哆，肚屎貶白貶白浮在水肚看現現，吾等斯相賽拿錫桶、細鑊、鮑鰍籃，在田項拈鮑鰍，兩下半斯一桶，暢都嘴合毋密。還一擺係冬禾割起來，收冬後，耕種人會犁田，同泥坯搗起來分日頭晒，來年正會有好收成。阿爸係耕田人，到阿爸犁田該下，係斯會攞緊錫桶，跔在

阿爸後背拈鮑鰍，吾目珠金，手腳遽，一尾都毋會瀉走，長在都歸桶歸桶攞轉屋家，交分阿姆處理。

阿姆講：「鮑鰍，愛畜養有兩日，分佢呷泥呷淨來，放兜鹽落去分佢泗，厥歸身黏黏个瑜膏斯會啟淨淨，正來放落鑊頭肚用柔柔个火，慢慢焯燥來，臨尾用闊口甕張起來，到愛煮之時，撮一撮，放兜薑嫵絲、七賢插、蔭豉，過滴一屑屑豆油落去，香噴噴个一盤上等鮑鰍料理斯出桌咧。」一家大細目瞋瞋<sup>2</sup>看這盤「桌心菜」，密密挾無停，該斯還扯飯哦！長在愛食加幾碗飯。

這也係吾个飯包菜，有一擺，有一個都市好額个同學，食晝該下行上行落，係想這毋成菜敗勢分佢看著，會見笑，飯包蓋揜起來，無想著嘎錫來厥个注意，硬硬愛試食，了後，幹頭，將自家飯包肚个雞髀、煙腸做下同係換鮑鰍，還講：「高毛嫵，這恁好食个東西，仰好自家偷偷食。」自這擺過後，吾个飯包蓋毋識過揜，因為係知咧，係有个佢無，佢有个係無，大家相交菜來食，係當生趣个事，這也係係第一擺食著煙腸，感覺還幸福哦～

頭擺便宜都像狗屎个鮑鰍，今這下一斤嘎愛幾百銀正買得著，時代正經變咧！

<sup>1</sup> 焯鰍：音 sab`ciu+；水煮泥鰍。

<sup>2</sup> 目瞋瞋：音 mug`zhim`zhim`；睜大雙眼看。

【擲牙齒】陳美燕原作

頭擺個時代，生活環境無現下恁好，衛生教育還言普遍，大家對保護牙齒個觀念也無恁清楚。像係，斯朝脣頭疏床洗一擺牙齒忒等，嘴又豺，當好食糖，所以，自細係對牙齒疾個印象當深。

牙齒一疾啊起來會致命哦～細人嗽去唉唉吶吶<sup>1</sup>，大人無結無煞。該當時無麼個止疾藥，阿姆喊係：「冷水含核！毋好緊嗽！」講越嗽會越疾。到尾，換牙該下，阿姆吩咐，試著舊牙有一滴滴搖，斯愛用舌嫵緊酉<sup>2</sup>，過用兩枝手指拈緊牙齒搖分佢敲，使毋得癢嘍<sup>3</sup>驚疾。若係毋煞猛搖，等新牙暴出來無位好企個時節，「歸口牙齒生去歪梨孀瓜<sup>4</sup>，該正醜哪～」阿姆逐擺恁泥半嚇半拐係。

細門牙脣項該兩枝「虎牙」也已重要，阿姆講無較細義兜，暴出尖尖翹翹個「豬哥牙」來，該就死皺咧哪！一半下，佢看係懶尸、無要無緊個樣，將就拿一條白車線，將吾牙齒綯纏<sup>5</sup>，出力一掙<sup>6</sup>，

牙齒斯珍緊白線飛出來咧。上顎擲著個牙齒，腳愛企比比<sup>7</sup>擲去眠床下；下顎擲著個愛擲上屋頂，講恁泥牙齒生來正會齊。

記得係有一枝後角個大牙，係分做「撮把戲」個人擲撒個。該當時，係讀小學兩年生，有戲班來莊頭做戲兼賣藥。厥等賣一種止疾藥水，講牙齒疾個時節點落去使得止疾，牙齒擲撒了後來點，較遽收口止血。佢問現場個細人：「有麼人牙齒敲敲無？係同佢擲毋使錢哦～」緊講緊行到吾面頭前，奇怪呢，係都無講愛分佢擲啊！佢嘎喊係嘴擘開開，擎一枝鋏，手腳伶俐一下斯同吾牙齒擲撒咧。背尾係想，定著係企吾後背個阿姆偷偷同佢講個。

到較大咧，了解牙齒個重要性，曉得細義注意牙齒個健康。當愛靚個係，逐擺看著自家個牙齒生來齊齊無歪撒，正知愛勞瀝阿姆該當時恁有耐心教係。

<sup>1</sup> 唉唉吶吶：音 ai+ ai+ rho<sup>ˇ</sup> rho<sup>ˇ</sup>；哭個不停。

<sup>2</sup> 酉：音 te<sup>^</sup>；用舌頭往外推。

<sup>3</sup> 癢嘍：音 rhong+ ve+；嬌慣，動輒大叫。

<sup>4</sup> 歪梨孀瓜：音 nguai+ li<sup>ˇ</sup> fe<sup>^</sup> gua+；形容歪斜不正。

<sup>5</sup> 綯纏：音 to<sup>ˇ</sup> hen<sup>ˇ</sup> hen<sup>ˇ</sup>；綁得緊緊的。

<sup>6</sup> 掙：音 dui<sup>^</sup>；用力扯。

<sup>7</sup> 比比：音 be<sup>ˇ</sup> be<sup>ˇ</sup>；齊。

【蹶山】劉玉蕉原作

天盲光，狗盲吠，阿姆就在該咻哩！「阿榮啊，好疏哩，日頭愛出來哩啲！」

「阿珍妹，遽遽著鞋啲，愛出門哩啲！」

天甫甫仔光，日頭還在該睡目，佢兜一屋下人就目擊擊仔起腳行，共下去蹶小中嶺山哩。路狹狹仔，草面頂个露水盲散，分佢兜个腳徑啊著，就歸串歸串碾落地泥，一粒一粒金皙皙像珍珠樣仔，靚到耐毋得！吾心肝肚偷偷想：若係用佢兜來串一條珍珠敲鍊，送分阿姆戴，毋知幾靚仔哦！

涼爽个風，一陣一陣吹來，路脣个花花草草，分佢吹到搖頭拗腰，領頭行禮，就像該戲臺面頂，煞猛表演个大明星共樣。行到山下，老妹湊佢拚輸贏，看麼人先跋上山嶺頂去。兩儕就恁樣頭磬磬，麼人都毋認輸，相爭拚往上。佢座大當然輸毋得，歸路毋敢停跔，嘍嘍嘍嘍大氣緊敵，直直拚上山，蹶到山頂，撇等心臟，佢斯跳到硬硬像愛恬忒樣仔哦！

「哇！山頂个風當涼呢！」看往下，老妹還在半山排，厥个面頰卵紅啾啾仔，佢看哪，廟肚个關公都無佢恁紅哦！一張嘴擘啊擘

仔，又像細狗仔敵氣，實在還古董，還好笑！

山頂个風，特別清，特別涼爽，風裡肚有東勢果子个香氣，有花花草草个清甜味緒，這風吹到人歸身仔鬆爽，吹到人透心涼，進前蹶山个艱苦，到這下也做下毋記得咗！樹頂絡食个鳥仔嘰嘰啾啾，跳上跳下叫無停，草竇个蟲仔毋願輸佢，也唧唧滾應聲。打早，山頂就恁仔鬧熱嘰啾哩！眺望該山下，遠遠个東勢，到今還蒙等一層紗，在濛紗煙裡肚睡到毋知好醒呢！

「遽遽，大家看！還靚哦！」

東片个雲像打咗粉樣仔，紅霞紅霞。紅霞退忒，係千條萬條个金色光，對山仔个後背射出來，無幾久，一粒大火球，就對山頭跳出來哩，晟到人擘毋開目，晟到濛紗遽遽隱身。日時頭个事頭，對這下正正式起勢呢！

企在山棟頂，佢兜放勢牯享受打早个光景，登高眺望个開闊視野，使人心情快樂，分人知得感恩，感恩大自然賜分佢人恁仔个好環境。阿爸長透講：「早疏床个鳥仔就有蟲仔好食。」到這下，佢總算體會著這句話个意思哩！

【 鮎鰍仔<sup>1</sup> 】羅紫云原作

「羞羞羞，羞羞羞，無面見阿舅，阿舅打草鞋，鮎鰍鑽入泥。」聽著這首童謠個時節，跔等會想著頭擺讀書該下，鮎鰍仔，帶分佢永久記得、發夢就會流口涎个幸福，到今還清清楚楚。

鮎鰍仔，麼个都食，係一種當特別个淡水魚，生活在河壩、陂塘、田坵肚，深灰色有烏斑，頭那細細仔，目珠也細細仔，還有生鬚，圓身圓圓 3、4 寸長滑溜溜仔，肉質當幼，營養價值高，做得做藥，養身功效好，還過係一品當好个「桌心菜」，故所正會有「水中之參」个講法。

較早該下，農藥無恁時行，總愛有水有濫泥个位所，滿哪仔就會有鮎鰍仔，尤其係田坵肚，一年四季都有好收成，捉就捉毋忒。鮎鰍仔滑溜溜仔，平常時無恁該捉佢。記得一年有兩擺盡好捉，一擺係「煎秋日」，也講「煎鰍日」，立秋過後，天時還當熱，秋老虎出現，鮎鰍仔分田水燒到昏哆昏哆<sup>2</sup>，走出來分人看現現，大人細子相賽擱等錫桶在田項撈鮎鰍仔，兩下半就一桶，暢到嘴都合毋拏。還有一擺係冬禾割起來，收冬過後，耕種人會犁田，膠泥坯搗起來分日頭晒，來年正會有好收成。吾爸係耕田人，到阿爸犁田該下，

佢就會擱等錫桶，跔等阿爸後背拈鮎鰍仔。吾目珠金，手腳遽，一尾也毋會分佢漂走<sup>3</sup>，長透乜歸桶歸桶仔擱轉屋下，交分阿姆處理。

阿姆講：「鮎鰍仔，愛養成兩日仔，分佢呸<sup>4</sup>泥呸淨來，放兜仔鹽落去分佢泗泗啊，厥圓身黏黏液膏个就會敲淨淨，正來放落鑊肚用柔柔仔个火，慢慢仔焗燥來，用盞仔張起來。到愛煮个時節，撮一撮鮎鰍仔，放兜仔薑嫲絲、七層塔、烏豆豉，過滴一息豆油落去，香噴噴个一盤上等鮎鰍仔就出桌咧。」一家大細斯撒等這盤「桌心菜」，密密挾無停，該斯還扯飯喔！長透都愛食加幾下碗飯添。

還過這七係吾个飯筲仔菜，有一擺，有一個都市好額个同學食晝該下行上行下，佢想這毋成菜敗勢分佢看著，會見笑，飯筲蓋仔煞煞拏起來。無想著嘎錫來佢个注意，強強愛試食，過後，佢幹轉頭，膠自家个飯筲仔拿過來，雞髀、煙腸做下膠佢換鮎鰍仔，還講：「孤盲嫲，這恁好食个東西，仰好自家偷偷仔食。」自這擺過後，佢个飯筲蓋仔毋識拏，因為佢知咧，佢有个佢無，佢有个佢無，大家互相交換食个係一件當生趣个事情，這七係佢第一擺食著煙腸，感覺還幸福哦！

頭擺便宜過火灰个鮎鰍仔，這下一斤嘎愛幾下百銀正買得著，時代正經變咧！

<sup>1</sup> 鮎鰍仔：音 fuˊ qiuˊ eˊ；泥鰍。

<sup>2</sup> 昏哆昏哆：音 funˊ deˊ funˊ deˊ；糊塗、精神意識不清楚的意思。

<sup>3</sup> 漂走：音 piu zeuˊ；滑走。

<sup>4</sup> 呸：音 pi；從嘴巴裡用力將東西吐出來。

【擲牙齒】陳美燕原作

頭擺個時代，生活環境無現下恁好，衛生教育還言普遍，大家對保護牙齒個觀念也無恁詳細。像佢，就朝晨頭起床搓一擺牙齒定，嘴又豺<sup>1</sup>，當好食糖仔；故所，佢對自家做細人仔個時節，輒輒牙齒痛個印象當深。

牙齒一痛啊起來，會收人個命哩！細人仔噉到噉殺天<sup>2</sup>，大人無結無煞。該央時無麼個止痛藥，阿姆喊佢：「冷水含等！毋好緊噉！」講越噉會越痛。背尾，換牙齒該下，阿姆吩咐佢：試著舊牙有一滴仔搖，就愛用舌嫵緊西<sup>3</sup>，續等，兩支手指拈等牙齒搖分佢敲，做毋得羊噉<sup>4</sup>驚痛。若係毋煞猛牯搖，等新牙暴出來無位仔好企個時節，「歸口牙齒生到歪哥泊杈<sup>5</sup>，該就媯哩啲！」阿姆逐擺恁樣嚇佢。

細門牙旁脣該兩支「虎牙」也盡重要，阿姆講無較細義兜仔，暴出尖尖翹翹個「豬哥牙」來，該就壞蹄地哪！成時，佢看佢懈懈

急急<sup>6</sup>、無要無緊樣仔，將就拿一條白車線，摻吾牙齒綯纏纏，出力一掙<sup>7</sup>，牙齒就跔等白線飛出來咧。上齡<sup>8</sup>擲著個牙齒，腳愛企比比<sup>9</sup>擲去眠床下；下齡擲著個愛擲上屋頂，講恁樣牙齒生著正會齊。

記得佢有一支後角個大牙，係分做「撮把戲」個人擲忒個。該央時，佢讀小學兩年生，有戲班仔來莊頭做戲兼賣藥仔。佢兜賣一種止痛藥水，講牙齒痛個時節點落去做得止痛，牙齒擲忒了後來點，較遠收口止血。佢問現場個細人仔：「有麼儕個牙齒敲敲無？佢摻佢擲毋使錢呢！」佢緊講緊行到吾面前。奇怪哩，佢就無講愛分佢擲啊！佢噉喊佢嘴擘擘打開開，擎一支鋏仔，手腳伶俐就摻吾牙齒擲忒咧。背尾佢想，定著係企在後背個阿姆偷偷摻佢講個。

到較大來，了解牙齒個重要性，曉得細心細意注意牙齒個健康。當愛靚個佢逐擺看著自家個牙齒生到齊齊無歪忒，正知愛感謝阿姆該央時恁有耐心教佢。

<sup>1</sup> 豺：音 sai<sup>ˇ</sup>；嘴饞、貪吃的樣子。

<sup>2</sup> 噉殺天：音 ve<sup>ˇ</sup> vong<sup>ˇ</sup> sad<sup>ˇ</sup> tien<sup>ˇ</sup>；高聲呼叫。

<sup>3</sup> 西：音 te<sup>ˇ</sup>；用舌頭往外推。

<sup>4</sup> 羊噉：音 iong<sup>ˇ</sup> ve<sup>ˇ</sup>；嬌慣，動輒大叫。

<sup>5</sup> 歪哥泊杈：音 vai<sup>ˇ</sup> go<sup>ˇ</sup> qi ca；歪斜不正。

<sup>6</sup> 懈懈急急：音 hai hai tai tai；懶散不勤勞。

<sup>7</sup> 掙：音 dui<sup>ˇ</sup>；用力拉特定對象，使其脫離原本所在的位置。

<sup>8</sup> 上齡：音 song ngam<sup>ˇ</sup>；上顎。

<sup>9</sup> 企比比：音 ki<sup>ˇ</sup> be<sup>ˇ</sup> be<sup>ˇ</sup>；站齊。

107 年全國語文競賽客家語朗讀文章國小學生組（南四縣腔）

編號 01 號

【跋山】劉玉蕉原作

天盲光，狗盲吠，阿姆就在該喊吔！「阿榮啊，好跣吔，日頭晒屎肫吔吔！」

「阿珍妹，遽遽著鞋吔，愛出來吔！」

天甫甫仔光，日頭還在該睡目，佢等歸家人就目擘擘起腳行，共下去跋小中崙山吔。路狹狹，草面頂个露水毋曾散，分佢等个腳徑啊著，就歸串歸串碾下地泥，一粒一粒金皙皙像珍珠樣仔，靚啊耐毋得！佢心肝肚偷偷恸：若用佢等來串一條珍珠殼鍊，送分阿姆戴，毋知幾靚哦！

涼爽个風，一陣一陣吹來，路脣个花花草草，分佢吹去領頭拗腰緩緩行禮，就像該戲臺面頂，盡力表演个大明星共樣。行到山下，老妹邀佢拚輸贏，看麼人做得先跋上山頂高去。兩個人就恁呢頭磬磬，麼人都毋認輸，相爭拚往上。佢座大當然輸毋得，歸路毋敢停頓，鼻噴噴大氣緊啟，直直拚上山，跋到山頂，扭等心臟，親像跳去硬硬愛恬核樣仔哦！

「哇！山頂个風蓋涼呢！」看啊下，老妹還在半山排，一個面頰卵紅啾啾，佢看哪，廟肚个關公都無佢恁紅哦！一張嘴擘啊擘，

又像細狗仔在該啟大氣，實在有罇古琢，有罇好嚙！

山頂个風，特別清，特別涼爽，風裡肚有東勢果子个香氣，有花花草草个清甜味緒，這風吹啊人歸身鬆爽，吹啊人透心涼，進前跋山个艱苦，到這下七做下毋記得吔！樹頂絡食个鳥仔唧唧啾啾，跳上跳下叫無停，草堆頂个蟲仔毋願輸佢，七唧唧滾應聲。打早，山頂就恁呢鬧熱濟啫吔！遠看該山下，遠遠个東勢，到今還蒙等一層紗，在濛紗煙肚睡都毋知好醒呢！

「遽遽，大家看！還靚哦！」

東片个雲像點胭脂樣仔，紅霞紅霞，紅霞退核，係千條萬條个金光，對山个背頂射出來，無幾久，一粒大火球，就對山頭跳出來吔，晟啊人擘毋開目，晟啊濛紗遽遽隱身。日時頭个事頭，對這下正正式開始呢！

企在山頂高，佢等自在享受打早个光景，登高遠看个闊野野个平洋，分人心情爽快，分人知得感恩，感恩大自然賜分佢等恁仔个好環境。阿爸不時在講：「早跣床个鳥就有蟲仔好食。」到這下，佢總算體會著這句話个意思咧！

【 鮑鰍仔 】羅紫云原作

「羞羞羞，羞羞羞，無面見阿舅，阿舅打草鞋，鮑鰍鑽入泥。」聽著這首童謠時，隨想著頭擺讀書該下，鮑鰍仔，帶分佢永久記得，發夢就會流口涎水个幸福，到今還清清楚楚。

鮑鰍仔，麼个都食，係一種蓋特別个淡水魚，生活在河壩、陂塘、田坵肚，深灰色有烏斑，頭那細細仔，目珠也細細仔，還有生鬚，歸尾仔圓圓，3、4寸長，滑溜溜仔，肉質蓋幼，營養價值高，做得做藥仔，養身仔功效也好，還過係一種蓋好个「桌心菜」，故所正有「水中之參」个講法哦！

過早該下，農藥無恁時行，斯愛有水有濫泥个所在，一哪仔就會有鮑鰍仔，尤其係田坵肚，一年四季都有好收成，扭就扭毋核。鮑鰍仔滑溜溜仔，平常時無恁好扭，記得一年有兩擺盡好扭，一擺係「煎秋日」，也講「煎鰍日」，立秋過後，天時還蓋熱，秋老虎出現，鮑鰍仔分田水壙到昏哆昏哆，走出來看現現，相爭攞等錫桶在田項撈鮑鰍仔，兩下半就一桶，暢到合嘴毋拏。還有一擺係冬禾割起來，收冬後，耕種人會犁田，將泥坯搗起來分日頭晒，來年正會有好收成。

佢爸係耕田人，到阿爸犁田該下，佢就會攞等錫桶，跔等阿爸

後背拈鮑鰍仔，佢目珠金，手腳遠，一尾也毋會漂走，輒常也歸桶歸桶攞歸屋下，交分阿姆處理。

阿姆講：「鮑鰍仔，愛養成兩日仔，分佢呷泥呷淨來，放兜仔鹽落去分佢泗泗啊，厥圓身項黏黏个瑜膏<sup>1</sup>就會落淨淨，正來放入鑊仔肚，用柔柔仔个火，慢慢仔焗燥來，過用盞仔張起來，到愛煮个時節，撮一撮鹽，放兜仔薑絲、七層塔、豆豉脯，過跌一息豆油落去，香馥馥个一盤上等鮑鰍仔就出桌也。」歸家大細就攞等這盤「桌心菜」，琢琢仔挾無停，實在還扯飯喔！不時愛食加幾碗飯。

還過這七係佢个飯包菜，有一擺，有一個都市有口<sup>2</sup>个同學食畫該下行上行下，佢想這毋成菜<sup>3</sup>，壞勢分佢看著，會見笑，飯包蓋仔遠啊奔起來，無想著嘎錫來佢个注意，硬硬愛試食，過後，幹轉頭，將佢自家个飯包拿過來，雞脾、灌腸做一下同佢交鮑鰍仔，還講：「山猴嫵，這恁好食个東西，仰好自家偷偷仔食。」自這擺過後，佢个飯包蓋仔毋識奔過，因為佢知也，佢有个佢無，佢有个佢無，大家互相交換食个，係一件蓋趣妙个事情，這七係佢第一擺食著灌腸，感覺還幸福哦～

頭擺仔便宜過火灰个鮑鰍仔，這下一斤嘎愛幾百个銀正買得著，時代正式變也！

<sup>1</sup> 瑜膏：音 ieˋ goˊ；濕濕黏黏的液狀物。

<sup>2</sup> 有口：音 iuˊ heuˋ；形容富有的有錢人。

<sup>3</sup> 毋成菜：音 mˋ sangˋ coi；不像樣的菜色。



【擲牙齒】陳美燕原作

頭擺個時代，生活環境無這下恁好，衛生教育還毋曾普遍，大家對保護牙齒個觀念乜無恁詳細。像佢，淨朝晨頭跣床洗一擺牙齒定定，嘴又好食，蓋好食糖仔，故所，佢對自家做細人仔個時節，不時牙齒痛個印象蓋深。

牙齒一痛啊起來會收人命喔～細人仔噉到哇天輾地<sup>1</sup>，大人無結無煞。該下仔無麼個止痛藥，阿姆喊佢：「冷水含等！毋好緊噉！」講越噉會越痛。臨尾，換牙齒該下，阿姆吩咐，測著舊牙係有息把仔搖，就愛用舌嫵緊西，續等，兩枝手指拈等牙齒搖昇落，做毋得癢噉驚痛。係毋煞猛搖，等新牙暴出來無位仔好企個時節，「歸口牙齒生到癸梨孞瓜<sup>2</sup>，該就蓋醜喔～」阿姆每擺恁仔嚇佢。

細門牙脣口該兩枝「虎牙」乜盡重要，阿姆講無過細義兜仔，暴出尖尖翹翹個「豬哥牙」來，該就壞蹄吔哪！有時節佢看佢懈懈急急、無搭無確個樣仔，將就拿一條白線，將佢個牙齒緝緝<sup>3</sup>，出

力一掙<sup>4</sup>，牙齒就跣等白線飛出來吔。上顎擲核個牙齒，腳愛企比比，擲去<sup>5</sup>眠床腳下；下顎擲核個愛擲上屋頂，講恁仔牙齒正會生過齊。

記得佢有一枝後角個大牙板，係分做「撮把戲」個人擲核個。該下仔，佢讀小學二年生，有戲班仔來莊頭做戲搭賣藥仔。佢等賣一種止痛藥水，講牙齒痛個時節點落去就做得止痛，牙齒擲核過後來點，過遽收口止血。佢問現場個細人仔：「有麼人個牙齒落落<sup>6</sup>無？佢同佢擲毋使錢喔～」一片講一片行到佢個面前，奇怪吔，佢就無講愛分佢擲啊！佢嘎喊佢嘴擘擘打開開，拿一支鋏仔，手板蓋遽，一下仔就將佢個牙齒擲核吔。背尾佢想，定著係企在後背個阿姆偷偷同佢講個。

過大後正了解牙齒個重要性，曉得細心細義注意牙齒個保健。過愛靚個佢每擺看著自家個牙齒生到齊齊無歪核，正知愛多謝阿姆該下仔恁有耐心教佢。

<sup>1</sup> 哇天輾地：音 va' tien' zan ti；大聲哭喊。

<sup>2</sup> 癸梨孞瓜：音 ngau' li' fe' gua'；歪曲不正。

<sup>3</sup> 緝緝：音 tag' hen' hen'；綁得緊緊的。

<sup>4</sup> 一掙：音 id' dui'；用力拔。

<sup>5</sup> 擲去：音 jied hi；丟到。

<sup>6</sup> 落落：音 lod' lod'；鬆脫。

【蹶山】劉玉蕉原作

天官光，狗官吠，阿姆斯特在該大聲喊咧！「阿榮啊，好竅咧，日頭愛出來哩啲！」

「阿珍妹，遽遽著鞋啲，愛出門哩啲！」

天矇光，日頭還在該睡目，僱一屋人斯目擊擊起腳行，共下去蹶小中嶺山咧。路狹狹，草面頂个露水官散，分僱兜个腳徑啊著，斯歸串歸串碾落地泥，一粒一粒金皙皙像珍珠樣，靚到奈毋得！僱心肝肚偷偷惱：係用佢兜來串一條珍珠駁鍊，送分阿姆戴，毋知幾靚哦！

涼爽个風，一陣一陣吹來，路脣个花花草草，分佢吹到領頭拗腰定定仔行禮，斯像該戲臺頂，盡力表演个大明星共樣。行到山下，老妹招僱拚輸贏，看麼人做得先蹶上山嶺頂去。兩儕斯恁樣頭磬磬，麼人都毋認輸，相爭拚往上。僱座大當然輸毋得，歸路毋敢停跔，鼻噴噴大氣緊啟，直直拚上山，蹶到山頂，抓等心臟，佢啊跳到硬硬像愛恬忒樣哦！

「哇！山頂个風還涼哦！」看往下，老妹還在半山排，一隻面頰卵紅啾啾，僱看啊，廟肚个關公都無佢恁紅哦！一張嘴擘啊擘，

又像細狗在該啟氣，實在還古董，還好笑！

山頂个風，特別清，特別涼爽，風裡肚有東勢果子个香氣，有花花草草个清甜味緒，這風吹到人歸身鬆爽，吹到人透心涼，頭下蹶山个艱苦，到這下乜做下毋記得咧！樹頂絡食个鳥仔濟濟借借，跳上跳下叫無停，草竇肚个蟲仔毋願輸佢，乜唧唧滾應聲。打早，山頂斯仰般鬧熱濟借咧！眺望該山下，遠遠个東勢，到今還蒙等一層紗，在濛紗煙肚睡都毋知好醒呢！

「遽遽，大家看！還靚哦！」

東片个雲像點胭脂樣，紅霞紅霞，紅霞退忒，係千條萬條金色个光，對山个背後射出來，無幾久，一隻大火球，斯對山頭跳出來咧，晟到人惹毋開目，晟到濛紗遽遽藏身。日時頭个事頭，對這下正正式起勢呢！

企在山嶺頂，僱兜放勢享受打早个光景，登高眺望个開闊眼界，分人心情爽快，分人知得感恩，感恩大自然賜分僱佢恁好个環境。阿爸長下講：「早竅床个鳥仔斯有蟲仔好食。」到這下，僱總算體會著這句話个意思咧！

編號 05 號

【 鮎鰍仔 】羅紫云原作

「羞羞羞，羞羞羞，無面見阿舅，阿舅打草鞋，鮎鰍鑽落泥。」聽著這首童謠時，黏皮想著頭擺讀書該下，鮎鰍仔，帶分佢永久記得，發夢就會流口水个幸福，到今還清清楚楚。

鮎鰍仔，麼个都食，係一種當特別个淡水魚，生活在河壩、陂塘、田竇肚，深灰色有烏斑，頭那細細，目珠也細細，還有生鬚，臉身圓圓 3、4 寸長滑溜溜，肉質當幼，營養價值高，做得做藥仔，養身功效好，還較係一路當好个「桌心菜」，所以正有「水中之參」个講法哦！

較早該下，農藥無恁時行，斯愛有水有濫泥个位所，滿哪仔就會有鮎鰍仔，尤其係田竇肚，一年四季都有好收成，捉就捉毋忒。鮎鰍仔滑溜溜，平常時無恁該捉，記得一年有兩擺盡好捉，一擺係「煎秋日」，也講「煎鰍日」，立秋過後，天時還當熱，秋老虎出現，鮎鰍仔分田水燒到昏哆昏哆<sup>1</sup>，走出來看現現，相賽擱等錫桶在田肚撈鮎鰍仔，兩下半斯一桶，暢到嘴合毋密。還一擺係冬禾割起來，收冬後，耕種人會犁田，摻泥坯搗起來分日頭晒，來年正會有好收成。佢爸係耕田人，到阿爸犁田該下，佢就會擱等錫桶，跔等阿爸

後背拈鮎鰍仔，偃目珠金，手腳遽，一尾也毋會嚟走，長透乜歸桶歸桶擱轉屋下，交分阿姆處理。

阿姆講：「鮎鰍仔，愛養成兩日，分佢呷泥呷淨來，放兜鹽落去分佢泗泗仔，佢臉身黏黏蟪膏个就會啟淨淨，正來放落鑊嬾肚用柔柔个火，慢慢仔煆燥來，用盞仔張起來，到愛煮該時，撮一撮，放兜薑嬾絲、七層插、烏豆豉，過滴一點點豆油落去，香噴噴个一盤上等鮎鰍仔就出桌咧。」一家大細斯擱等這盤「桌心菜」，密密挾無停，該斯還扯飯哦！長透愛食加幾下碗飯。

還過這七係佢个飯包菜，有一擺，有一個都市好額个同學，食畫該下行上行下，偃想這毋成菜敗勢分佢看著，會見笑，飯筲蓋煞煞揜起來，無想著嘎錫來佢个注意，強強愛試食，了後，幹轉頭，摻自家个飯筲仔拿過來，雞脾、煙腸做下摻佢換鮎鰍仔，還講：「孤盲嬾，這恁好食个東西，仰好自家偷偷仔食。」對這擺過後，佢个飯筲蓋毋識揜，因為佢知咧，佢有个佢無，佢有个佢無，大家互交換食个係一件當生趣个事情，這七係佢第一擺食到煙腸，感覺還幸福哦！

頭擺便宜過火灰个鮎鰍仔，這下一斤嘎愛幾下百銀正買得著，時代正經變咧！

<sup>1</sup> 昏哆昏哆：音 fun de fun de；精神意識不清楚的樣子。

【擲牙齒】陳美燕原作

頭擺個時代，生活環境無這下恁好，衛生教育還唔普遍，大家對保護牙齒個觀念也無恁詳細。像佢，斯朝晨頭起床洗一擺牙齒定，嘴又豺，當好食糖仔，所以，佢對自家做細人仔個時節，輒輒牙齒痛個印象當深。

牙齒一痛啊起來會收命！細人仔噉到噉殺天，大人無結無煞。該量時無麼個止痛藥，阿姆喊佢：「冷水含等！毋好緊噉！」講越噉會越痛。背尾，換牙該下，阿姆吩咐，試著舊牙有滴仔搖，就愛用舌嫵緊西，續等，兩支手指拈等牙齒搖分佢敲，做毋得癢嘍<sup>1</sup>驚痛。那係毋煞猛搖，等新牙暴出來無位仔好企個時節，「歸口牙齒生到歪哥泊杈<sup>2</sup>，該斯媿呢！」阿姆逐擺恁樣嚇佢。

細門牙脣頭該兩支「虎牙」也盡重要，阿姆講無較細義兜仔，暴出尖尖翹翹個「豬哥牙」來，該就壞蹄咧哪！成時，佢看佢懈懈怠怠<sup>3</sup>、無要無緊樣，將就拿一條白車線，摺佢個牙齒綯纏纏，出力

一掙<sup>4</sup>，牙齒就跔等白線飛出來咧。上顎<sup>5</sup>擲著個牙齒，腳愛企比比擲眠床下去；下顎擲著個愛擲上屋蓋頂，講恁樣牙齒生著正會齊。

記得佢有一支後角個大牙，係分做「撮把戲」個人擲忒個。該量時，佢讀小學兩年生，有戲班仔來莊頭做戲兼賣藥仔。佢兜賣一種止痛藥水，講牙齒痛個時節點落去做得止痛，牙齒擲忒了後來點，較遽收口止血。佢問現場個細人仔：「有麼儕牙齒敲敲無？佢摺佢擲毋使錢哦！」一頭講一頭行到佢個面頭前，奇怪咧，佢就無講愛分佢擲啊！佢噉喊佢嘴擘擘打開開，擘一支鉞仔，手腳伶俐就摺佢個牙齒擲忒咧。背尾佢想，定著係企在後背個阿姆偷偷摺佢講個。

到較大來，了解牙齒個重要性，曉得細心細意注意牙齒個健康。當愛靚個佢逐擺看著自家個牙齒生到齊齊無歪忒，正知愛承蒙阿姆該量時恁有耐心教佢。

<sup>1</sup> 癢嘍：音 rhong` vo`；嬌慣，動輒大叫。

<sup>2</sup> 歪哥泊杈：音 uai go ci` ca`；歪斜不正。

<sup>3</sup> 懈懈怠怠：音 hai+ hai+ tai+ tai+；疏懶拖延。

<sup>4</sup> 掙：音 dui`；用力拉。

<sup>5</sup> 上顎：音 shong+ ngong`；上顎。

107 年全國語文競賽客家語朗讀文章國小學生組（詔安腔）

編號 01 號

【跋山】劉玉蕉原作

天官光，狗官吠，阿依即在咻啊！「阿榮啊，好起來，日頭討出來啊！」

「阿珍妹，攔緊著鞋哦，討出門啊！」

天甫光，日頭猶在睡，僱人歸屋下即日珠接接起腳行，共下去跋小中崙山啊。路狹狹，草面上个露水官開，得僱人个腳徑著，即歸串歸串輪落泥下，一粒一粒金箭箭像珍珠，全然靚！僱心肝內偷偷想：若用佢人來串一條珍珠骹鍊，送得阿依戴，毋知幾靚哦！

涼凉个風，一臨一臨吹來，路脣个花花草草，得佢吹到頓頭拗腰款款行禮，即像遐戲臺嶼，出力表演个大明星共款。行到山下，阿妹招僱拚輪贏，脛麼儕會用先跋上山嶼尾。兩儕即恁頭犁犁，麼儕攏毋認輸，相爭拚向上。僱較大當然毋會用輸，歸路毋敢擋恬，嘍怩怩，大氣直直敵，直直拚上山，跋到山嶼，心頭擱躑，佢跳到硬硬討恬去啊！

「哇！山嶼个風真涼呢！」脛落去，阿妹猶在半山腰，一個面頰卵紅激激，僱脛一下，廟个關公都無佢恁紅哦！一支嘴擘啊擘，又像狗么在敵氣，實在真心色，真好笑！

山嶼个風，特別清，特別涼，風內底有東勢果子个香氣，有花草草个清甜氣味，這風吹到人歸身快活，吹到人透心涼，進前跋山个艱難，到這下嘛做一下添放啊！樹嶼絡食个鳥吱吱喳喳，跳上跳落喊無歇，草墩个蟲毋願輸佢，嘛唧唧咈應聲。打早，山嶼即恁誠鬧熱滾滾啊！望向遐山下，遠遠个東勢，到今猶蒙一緣紗，在濛內底睡猶毋知好醒咧！

「較緊，大家脛！真靚哦！」

東片个雲像點胭脂，紅牙紅牙，紅牙退去，係千條萬條个金色光，對山个後背射出來，無幾久，一粒大火球，即對山頭跳出來啊，晟到人目珠擘毋會開，晟到濛攔緊藏身。日時頭个事頭，對這下正正式起頭！

企在山嶼尾，僱人盡量享受打早个光景，登高遠望个開闊視野，得人心情快活，得人知感恩，感恩大自然賜得僱人恁个好環境。阿怙不時講：「早起來个鳥正有蟲好食。」到這滿，僱總算體會著這句事个意思啊！

【湖鰻】羅紫云原作

「羞羞羞，羞羞羞，無面見阿舅，阿舅打草鞋，湖鰻鑽入泥。」聽著這條念嘴貶<sup>1</sup>個時，黏時想著成過讀書遐時務，湖鰻隨得佢毋會添放個，遐發夢嘛會流口涎個福氣，到今猶清清楚楚。

湖鰻，麼個都食，係一種真特別個淡水魚，生活在溪底、陂塘、田底。暗火灰色，有烏斑，頭那細細，目珠嘛細細，猶有生鬚。臚身圓圓，三、四寸長，滑溜溜。肉質真幼，營養價值高，會用做藥，養身功效好，猶攔係一落真好個「桌心菜」，所以正有「水中之參」個講法哦！

較早個時，農藥無恁時行，若有水、有濫泥個所在，滿哪位即會有湖鰻，尤其係田底，一年四季攏有通收成，捉都捉毋會了。湖鰻滑溜溜，普通時無恁快捉。記得一年有兩擺頭好捉，一擺係「煎秋日」，嘛講「煎鰵日」。立秋過後，天氣猶真熱，秋老虎若來，湖鰻得田水燒到頭那暈暈，走出來，睭現現，相賽擻錫桶在田底撈湖鰻，兩下半即一桶，暢到嘴合毋會喂。猶一擺係冬禾割起來，收冬了後，作穡人會犁田，拗泥坯搗起來得日頭炙，明年正會有好收成。

佢怙係作穡人，到阿怙犁田遐下，佢即會擻錫桶，跔在阿怙後背撿湖鰻。佢目珠金，腳手緊，一尾嘛毋會溜走，不時嘛歸桶歸桶擻轉屋下，交得阿依發落。

阿依講：「湖鰻，大討愛供一兩日，得佢呷泥呷淨俐，撒一兜仔鹽落去，得佢泗泗個，佢臚身黏黏個□即會啟淨淨；攔來因落鑊，用慢慢子火，款款烘燥，用盞裝起來；到討煮個時，撮一撮，因一兜仔薑嫲絲、七層塔、烏豆豉，攔滴一兜仔豆油落去，香噴噴個一盤上等湖鰻即出桌啊。」歸屋下大細即扭這盤「桌心菜」，密密挾無歇，遐即真落飯哦！不時愛加食幾下碗飯。

啊攔這嘛係佢個飯包菜。有一擺，一個城市好額個同學，食當晝個時行上行落，佢想這毋成菜歹勢得佢睭著，會見笑，飯殼<sup>2</sup>蓋攔緊揜<sup>3</sup>起來，無想著嘎拗佢錫過來，打強討試食。試食了後，幹頭，拗自家個飯殼提過來，雞髀、煙腸做一下和佢換湖鰻，猶講：「妹子鬼！這恁好食個物件，仰子會自家偷偷食。」自這擺了後，佢個飯殼蓋毋識揜，因為佢知啊，佢有個佢無，佢有個佢無，大家相交換食個係一件真心色個事情。這嘛係佢第一擺食著煙腸，感覺真福氣哦！

成過便宜貴賤個湖鰻，這滿一斤嘎愛幾下百箍正買會著，時代正經改變啊！

<sup>2</sup> 飯殼：音 pon kog<sup>ˋ</sup>；飯盒。

<sup>3</sup> 揜：音 keb<sup>ˋ</sup>；掩蓋。

<sup>1</sup> 念嘴貶：音 neem zhe<sup>ˋ</sup> been<sup>ˋ</sup>；唸謠。

【擲牙】陳美燕原作

成過個時代，生活環境無現時恁好，衛生教育猶言普遍，大家對保護牙個觀念嘛無恁詳細。像佢，正晨早起來，洗一擺牙定，嘴擱豺，真愛食糖。所以，細子時，佢對自家恬恬牙疾個印象真深。

牙若疾起來，會愛人個命咧！細子嘍到噉噉嘍<sup>1</sup>，大人嘛無奈無何。遐時無麼個止疾個藥，阿依喊佢：「冷水含蹠！毋好直直嘍！」講越嘍會越疾。落尾，換牙遐下，阿依吩咐，感覺舊牙有一兜仔搖，即愛用舌直直搥<sup>2</sup>；續落，兩肢手指頭拗牙搖得佢敲，毋會用張樣驚疾。若係毋認真搖，等新牙發出來，無位好企個時，「歸嘴牙生到歪膏泊杈<sup>3</sup>，遐即糶樣啊！」阿依逐擺攏恁嚇佢。

小門牙脣遐兩支「虎牙」嘛真要緊。阿依講若無較細義兜，暴出尖尖翹翹個「豬哥牙」來，遐即壞了了啊！有時務，佢睏佢懶懶、無要無緊個形，歸氣提一條白車線，拗佢個牙繩核核，出力一揪，牙即跔白線飛出來啊。上齡擲個牙，腳愛企齊齊擊去眠床下；下齡

擲個愛擊去屋瓦嶼，講恁牙正生會齊正。

記得佢有一支後角個大牙，係得做「變把戲」個人擲莫個。遐時，佢讀小學二年，有戲班來莊頭做戲兼賣藥。佢人賣一種止疾個藥水，講牙疾個時務，點落去會用止疾；牙擲莫了後來點，較緊收煞止血。佢問現場個細子：「有麼儕個牙敲敲無？佢拗佢擲，毋使錢哦！」著面講著面行到佢個面頭前。奇怪呢！佢都無講討得佢擲啊！佢嘎喊佢嘴擘開，擎一支鋏，手腳伶俐即拗佢個牙擲莫啊。落尾佢想，定著係企在後背個阿依偷偷拗講個。

到較大漢來，了解牙個要緊，知愛斟酌細義注意牙個康健。真愛靚個佢，逐擺睏著自家個牙生到齊齊無歪去，正知愛勞力阿依遐時恁有耐心教佢。

<sup>1</sup> 噉噉嘍：音 bbee` bbee` bui`；哇哇叫。

<sup>2</sup> 搥：音 su`；推。

<sup>3</sup> 歪膏泊杈：音 uainn` goo` ci` ca`；歪斜不正。

【蹶山】劉玉蕉原作

天盲光，狗盲吠，阿姆斯特咧！「阿榮啊，好跣起咧，日頭愛出來哩啲！」

「阿珍妹，遽遽著鞋哦，愛出門哩啲！」

天甫甫光，日頭還在該睡，佢兜一屋下斯目擊擊仔起腳行，共下去蹶小中崙山咧。路狹狹，草面頂个露水盲散，分佢兜个腳徑啊著，斯歸串歸串碾落地泥，一粒一粒金皙皙像珍珠樣，靚到奈毋得！佢心肝肚偷偷恁想：係用佢兜來串一條珍珠駁鍊，送分阿姆戴，毋知幾靚哦！

涼爽个風，一陣一陣吹來，路脣个花花草草，分風吹到領頭拗腰緊行禮，斯像該戲臺面頂，落力表演个大明星共樣。行到山下，老妹湊佢拚輸贏，睜麼人做得先蹶上山嶺頂去。兩儕斯恁樣頭磬磬，麼人都毋認輸，相爭拚往上。佢座大當然輸毋得，歸路毋敢停跔，鼻噴噴大氣緊啟，直直拚上山，蹶到山頂，抓等心肝，佢啊跳到硬硬像會恬忒樣！

「哇！山頂个風當涼哪！」睜往下，老妹還在該半山排，佢面頰卵紅啾啾，佢睜下，廟肚个關公都無佢恁紅哦！一張嘴擘啊擘，

又像細狗仔在該啟氣，實在有罇古董，有罇好笑！

山頂个風，特別清，特別涼爽，風裡肚有東勢果子个香氣，有花花草草个清甜味緒，這風吹著人歸身鬆爽，吹著人透心涼，進前蹶山个艱苦，到這下也做下毋記得咧！樹頂絡食个鳥仔吱吱喳喳，跳上跳下唱無停，草窠个蟲仔毋願輸佢，也唧唧滾應聲。打早，山頂斯恁樣鬧熱煎煎咧！眺望該山下，遠遠个東勢，到今還蒙等一層紗，在濛紗煙肚睡都毋知好醒呢！

「遽遽，大家睜！還靚哦！」

東片个雲像點胭脂个樣，紅霞紅霞，紅霞退忒，係千條萬條个金色光，對山个背後射出來，無幾久，一粒大火球，斯對山頭跳出來咧，晟到人擘毋開目，晟到濛煙遽遽掩身。日時頭个事頭，對這下正正式起勢呢！

企在山棟頂，佢兜放勢享受打早个光景，登高眺望个開闊視野，分人心情快活，分人知得感恩，感恩大自然送分恁樣个好環境。阿爸長透講：「早跣起个鳥正有蟲仔好食。」到這下，佢總算體會著這句話个意思咧！



107 年全國語文競賽客家語朗讀文章國小學生組（饒平腔）

編號 05 號

【 鮪鰍仔 】羅紫云原作

「羞羞羞，羞羞羞，無面見阿舅，阿舅打草鞋，鮪鰍鑽入泥。」聽著這首童謠時，旋風想著頭擺讀書該下，鮪鰍仔，帶分係永久記憶，發夢就會流口水个幸福，到今還清清楚楚。

鮪鰍仔，麼个都食，係一種當特別个淡水魚，生在溪壩、陂塘、田竇肚，深灰色有烏斑，頭那細細，目珠也細細，還有生鬚，膻身圓圓 3、4 寸長滑溜溜，肉質當幼，營養價值高，做得做藥仔，顧身體，功效好，還較係一品當好个「桌心菜」，所以正有「水中之參」个講法哦！

較早該下，農藥無恁時行，斯愛有水有濫泥个位所，滿哪仔就會有鮪鰍仔，尤其係田竇肚，一年四季都有好收成，捉就捉毋忒。鮪鰍仔滑溜溜，平常時無恁該捉，記得一年有兩擺盡好捉，一擺係「煎秋日」，也講「煎鰍日」，立秋過後，天時還當熱，秋老虎出現，鮪鰍仔分田水燒到昏哆昏哆，走出來睜現現，相賽擱等錫桶在田町撈鮪鰍仔，兩下半斯一桶，暢到嘴合毋拏。還一擺係冬禾割起來，收冬後，耕種人會犁田，膠泥坯搗起來分日頭炙，來年正會有好收成。係爸係耕田人，到阿爸犁田該下，係就會擱等錫桶，跔等阿爸

後背拈鮪鰍仔，偃目珠金，手腳遽，一尾也毋會漂走，長透七歸桶歸桶擱轉屋下，交分阿姆處理。

阿姆講：「鮪鰍仔，愛養成兩日，分佢呷泥呷淨來，放兜鹽落去分佢涸涸仔，佢膻身黏黏蚰膏个就會敲淨淨，正來放落鑊嫲肚用柔柔仔个火，慢慢仔焗燥來，用盞仔張起來，到愛煮該下，撮一撮，放兜薑嫲絲、七層插、烏豆豉，過滴一點點豆油落去，香噴噴个一盤上等鮪鰍仔就出桌咧。」一家大細斯擱等這盤「桌心菜」，密密挾無停，該斯還扯飯喔！長透愛食加幾碗飯。

還過這七係偃个飯包菜，有一擺，有一個都市好額个同學食晝該下行上行下，偃想這毋成菜敗勢分佢睜著，會見笑，飯筲蓋仔煞煞揜起來，無想著嘎錫來佢个注意，強強愛試食，了後，幹轉頭，膠自家个飯筲仔提過來，雞髀、煙腸做下膠係換鮪鰍仔，還講：「孤盲嫲，這恁好食个東西，仰好自家偷偷仔食。」自這擺過後，偃个飯筲蓋仔毋識揜，因為偃知咧，偃有个佢無，佢有个偃無，大家互相交換食，係一件當心色个事情，這七係偃第一擺食到煙腸，感覺還幸福哦～

頭擺便宜過火灰个鮪鰍仔，這下一斤嘎愛幾百銀正買得著，時代正經變咧！

【擲牙齒】陳美燕原作

頭擺個時代，生活環境無現下恁好，衛生教育還言普遍，大家對保護牙齒個觀念也無恁詳細。像佢，斯晨早頭踮起洗一擺牙齒定定，嘴又豺<sup>1</sup>，當好食糖仔，所以，佢對自家做細人仔個時節，輒輒牙齒疾個印象當深。

牙齒一疾啊起來斯會收命哦～細人仔嘍到噉哩殺天<sup>2</sup>，大人無結無煞。該量時無麼个止疾藥，阿姆喊佢：「冷水含等！毋好緊嘍！」講越嘍會越疾。背尾，換牙該下，阿姆吩咐，試著舊牙有滴仔搖，就愛用舌嫵緊搥<sup>3</sup>，續等，兩枝手指拈等牙齒搖分佢敲<sup>4</sup>，做毋得癢嘍<sup>5</sup>驚疾。若係毋煞猛搖，等新牙暴出來無位仔好企個時節，「歸口牙齒生到歪哥泊杈<sup>6</sup>，該斯媿<sup>7</sup>哪～」阿姆逐擺恁樣嚇佢。

細門牙旁脣該兩枝「虎牙」也盡重要，阿姆講無較細義兜仔，暴出尖尖翹翹个「豬哥牙」來，該就壞蹄咧哪！成時，佢睭佢懈懈

怠怠<sup>8</sup>、無要無緊樣仔，將就提一條白車線，摺佢个牙齒綯纏纏<sup>9</sup>，出力一掙<sup>10</sup>，牙齒就跔等白線飛出來咧。上顎<sup>11</sup>擲着个牙齒，腳愛企比比<sup>12</sup>擲去眠床下；下顎擲着个愛擲上屋當頂，講恁樣牙齒生着正會齊。

記得佢有一枝後角个大牙，係分做「撮把戲<sup>13</sup>」个人擲忒个。該量時，佢讀小學兩年生，有戲班仔來莊頭做戲兼賣藥仔。佢兜賣一種止疾藥水，講牙齒疾个時節點落去做得止疾，牙齒擲忒了後來點，較遽收口止血。佢問現場个細人仔：「有麼儕牙齒敲敲無？佢摺佢擲毋使錢喔～」一頭講一頭行到佢个面頭前，奇怪咧，佢就無講愛分佢擲啊！佢噉喊佢嘴擘擘打開開，擘一枝缺仔，手腳伶俐<sup>14</sup>就摺佢个牙齒擲忒咧。背尾佢想，定著係企在後背个阿姆偷偷摺佢講个。

到較大來，了解牙齒个重要性，曉得細心細義注意牙齒个健康。當愛靚个佢逐擺睭着自家个牙齒生到齊齊無歪忒，正知愛承蒙阿姆該量時恁有耐心教佢。

<sup>1</sup> 豺：音 sai；貪吃。

<sup>2</sup> 噉哩殺天：音 ve vong sad tien<sup>ˇ</sup>；大聲哭喊。

<sup>3</sup> 搥：音 sung<sup>ˋ</sup>；推。

<sup>4</sup> 敲：音 lud<sup>ˋ</sup>；鬆脫。

<sup>5</sup> 癢嘍：音 rhiong<sup>ˇ</sup> vo<sup>ˇ</sup>；嬌慣，動輒大叫。

<sup>6</sup> 歪哥泊杈：音 uai<sup>ˇ</sup> go ci<sup>ˋ</sup> ca<sup>ˋ</sup>；歪斜不正。

<sup>7</sup> 媿：音 zhe<sup>ˋ</sup>；醜。

<sup>8</sup> 懈怠：音 hai<sup>ˊ</sup> tai<sup>ˊ</sup>；鬆懈。

<sup>9</sup> 綯纏纏：音 to hen hen；綁得緊緊的。

<sup>10</sup> 掙：音 dui<sup>ˋ</sup>；用力拔。

<sup>11</sup> 上顎：音 shong<sup>ˊ</sup> ngong<sup>ˇ</sup>；上顎。

<sup>12</sup> 比比：音 be be；齊。

<sup>13</sup> 撮把戲：音 cod ba<sup>ˋ</sup> hi<sup>ˋ</sup>；雜耍戲。

<sup>14</sup> 手腳伶俐：音 shiu<sup>ˋ</sup> giog<sup>ˋ</sup> lang li<sup>ˊ</sup>；動作乾淨俐落。